



H. XIII. 10.

Lüder  
Novo Tacin.  
137. / III.

M. M.





Henri Nicolai

1. de Multiprofessoria Rei fuita.
2. Tr. de Contradicitione Naturae et Principio.
3. Tr. de Opposizione Exponentiarum.
4. Panorthia Liberalis Tabelli representata.
5. Disputatione Nayredca.
6. Tr. de Doltibus naturalibus.
7. Tr. de Cognitione humana universa, duabus Exercitacionibus comprehensa.

EXERCITATIO III. 49

DE ARGUMENTIS QUIBUS-  
DAM CONTRA  
MVL TIPRÆSENTIAM.

Respondente

MICHAEL WATSONIO,  
Stolpæ Pomerano.

THEISIS XL.

**H**Æc omnia imbecilles sublunarium infirmitates sunt, quæ præsentias locales, quæ tales sunt, comitari solent: in simplicibus penitus segreganda. Ita Angelus alicubi in spatio est absolute, ut nihil infirmatum à se alienorum in eo recipere possit. Corpus in vacuo supra mundum à Deo locatum simpliciter ibi aderit, nullo circumscribetur, concidetur, terminabitur, infestabitur, cum nihil ibi, quod concludere, infestare, &c. possit. Præsentia localis dicitur ambigù: Velut ad locum, tanquam terminum, ubi aliquid sit, sic & præsentia simplex localis dici potest, sed nihil infirmatus admittit: Vel ut ad terminum, à quo dependeat, cui subjaceat, quo concludatur, terminetur, circumscribatur, ut extra esse non possit, & cuius consequentia universa, quamvis infirma, possit recipere. Ita homo in loco est, ut eo claudatur, ut continente, ne extra eum sit, ut augeri, minui, cads, occidi, vivificari, studi, uriri, moveri, quietescere, calefieri, frigefieri, rarefieri, densari, vestiri, nudari, calcari, discalceari, svari, morbefieri, currere, sedere, edere, esurire, aliq., quæ pro sublunarium conditione corporibus inferri in locis solent, omnia recipere in loco possit. Hoc hic vocamus præsentiam localem, i. e. à loco pendentem, & localibus infirmitatibus subjectam, ut conclusa & adstricta

G

eo sit,

## De Multipræsentia finiti,

*eo sit, non extrā patere possit.* Sic terrena in hoc inferiori mundo in locis sunt, ut ijs concludantur, variaq; in illis, & misera interdum, experiantur. Quod de homine euidentissimum est. Iam dico, D<sup>e</sup>um, si corpus in multis ubi locet, simplici præsentia illud ubicaturum, quæ nihil recipiat imbecillitatis, sed tantum perfectiones: Non locali, & quæ pro corporibus circumscriptiva usitatè dici solet, quæq; varijs infirmitatibus subjecta est, partim in loco inferendū, partim à loco pendentibus. Ipse Chamier c. l. §. 17. Corpus præsens esse posse concedit præsentia spirituali, ut *nam non spiritus dici possit.* Quanquam illam præsentiam per substantiæ absentiā postea falso declaret. Sed præsentia Spiritualis est per simplicem adessentiam, extra imbecillitates locales. Cur non & tali præsentia D<sup>e</sup>us corpus in pluribus ubi sistere posset?

41. *Cum autem sic sentiam, porrò est confirmandum.* Amesius enim caverisibi vult, miraculo se hac in corpore ita ubicare cautum iri, ne unquam fiant, p. 130. T. 3. Bell. eneru: *Hoc ergò sequentibus patet.* 1. Corpus in multis locis sitti insignis & supernaturalis est perfectio corpori illata, & quam nulla naturæ aut angeli vis conari queat, Vt t. 3. viasum. Imò que per magnum miraculum *Corpori inducatur*, ut illi ipsi concedunt, qui alias hic dissentunt, ut Valentia c. l. Raconis d. loco q. 1. p. 84. Morisanus d. loco q. 3. & alijs. Et t. 3. in statu Controversie monitum fuit. *Quomodo & per miraculum corpus cum alio Corpore in uno loco esse posse concedunt;* V. Thomam p. 3. q. 57. a. 4. Sed in perfectionibus rerum & miraculis ut sic, non admittenda sunt, quæ imperfectionem redolent, sed quæ perfectionem. Imperfectionem autem sublunarem universa illa præsentias locales comitari solita redolent, & quæ φθαρίν δυχεῖαι sublunarium arguunt, ut callesieri, fruges fieri, mori, occidi, vulnerari, esarire, epulari, &c.

Hæc

### Exercitatio Tertia.

51

Hæc ergo omnia à corpore varijs locis statuto removenda. Et consequenter adessentijs simplicibus ibi statuetur, non localibus, qua conditiones infirmitatis loci admittant, easquè ineptas, quas jure Chamier dignas Plauti Sosiā aut Menæchmis judicat, c. 9. §. 32. Et in quibus frustra cerebrum consumitur. V. §. 60. 61. Ut à Scholaisticis interdùm sit. 2. Exemplum Corporis Christi, quod solum actu in multis locis præsens esse ex revelatione novimus, idem docet. Ejus præsentia perfectiones admissit, ut praesesse, prodesse, favere, influere, dominari, regere, auxiliari, imperare, judicare, quibus adest: non imperfectiones & vanitates, ut esurire, mori, frigere, &c. Et fatentur Pontificij, Corpus illud realiter præsens in Eucharistiâ. Ineptas tamen illas infirmitates, alterationes, vulnerationes, & mortes, ei adscribere non audent. Cur non simile quid de alio corpore divinitùs per insigne miraculum in multis ubi statuto colligendum? Et afferenda ea de illo, quæ perfectionem aliquam in loco dicant, non imperfectionem.

42. 3. Analogia corporum glorificatorum idem docet. Ea etiæ ordinariè in uno nō cœlesti futura, non in multis similis, quippe quod ex revelatione nū spiam scimus: Imbecillitatis tamen sublunaribus excepta ea fore scimus, ut esurire, frigere, calere, morbesieri, alterari, &c. Cum angelus sīns futura similia, V. Matth. 22. v. 30. Simile quid de corpore, quod per miraculum ultra loca elevaretur, & in multis simul supra corporis Naturam collocaretur, cogitandum. 4. Analogia Corporum cœlestium & supralunarium idem persuadet. Hac etiæ locis contineri scimus, supremo omnium excepto, quod loco exemptum, Vt §. 11. seq. f. 4. d. E. A. Visum: alterationibus tamen Philosophi concedunt, qui quinta ejusdam essentia illa faciunt, & qualitates sublunaribus eminentiores illu assignant. Simile de Corpore

## De Multipræsentia finiti,

Corpo in multis simūl locato cogitandum, Deum imbecilitatibus illud exemplorum, & perfectionibus exaltaturum, unde alterationibus illius viliissimis de eo querere, & in afferendis ei illis, aut conciliandis, tempus & cerebrum fatigare nihil necesse sit.

Qualia pleraq; Scholasticorum sunt, qua hic movent. V. §. 60. Et rectè de his argutiasuncilis illud Augustini 22. d. C. D. c. II. Bellarminus usurpat: Ecce, qualibus argumentis omnipotentiae Dei humana contradicit infirmitas, quam possidet vanitas!

43. 5. Si corpus à DEo statui potest in multis locis localiter & circumscriptivè, E. in nullo est circumscriptivè, & aperta implicatur Contradiccio, quam ne potestati quidem divinae subjicimus. Nam circumscriptivè in uno loco esse, est ita sermone continente claudi, ut nihil ejus sit extra. Hoc enim circumscriptio actualis & localis præsentia postulat, ita circumscribi, ut nihil circumscripti sit extra terminum circumscripti. Iam si in multis locis circumscriptivè est, cogitur simūl extra terminum circumscripti esse, scilicet in pluribus circumscriptivè non erit. Et sic simūl idem corpus intra terminum circumscripti totum erit, & totum extra, i.e. non intra illum, quod aperte contradictionem in natura rei importat. Ergo hoc ne absoluta quidem potestate possibile habendum. Vera enim contradictionia ab eâ eximimus. Dices 1. Esse corpus intra terminos circumscripti naturaliter, sed extra supernaturaliter. Et ita intra & extra esse non secundum eundem modum sumitur. Itaq; contradictioni aliena. Ita Racionis. R. 1. Diversus modus contradictionem hic non saluat. Contineri totum intra, & non contineri totum intra, essentias ex natura sui contradictentes habent, ut unum direcťe evertat alterum, qualia nullo modo addito conciliis. Quatenus enim extra, non intra circumscribitur. Et sic negamus, circum-

### Exercitatio Tertia.

53

circumscriptum localiter , & non circumscriptum esse , de eodem numero corpore etiam per potestatem absolutam simul verificari posse . Cum simplici praesentiā stare posse concedimus , esse simūl extra , hic enim nihil uno circumscribitur , aut intrā concluditur ; Sed cum circumscriptione negamus stare posse . Quod enim circumscribitur uno & concluditur , ejus nihil extrā esse potest quin pereat circumscriptione . Et quamprimum sole corpus à Deo extra circumscriptionē actualem potius , quod DEo possibile esse non negamus , jam factio uno circumscriptum esse alicubi collis . Et ita nos de Corpore varie ubiq̄ sentimus , fore quidem aliiubi , sed simplicissimè definiendo adessentiam : non localem circumscriptionem unius termini aut comprehensionem admittendo , quod in eo sit , quod uno loco continetur ac concluditur . In aliquot locis corporis ubiq̄ futurum putamus , nec loco commensuratum aut ab eo comprehensum , sed locis commensuratum fore divinitus , credimus . Alicubi erit , sed non adessentiā locali , non inclusa aut conclusa ; ideo & extrā esse nihil prohibebit . In eo natura , essentia , & formalis ratio circumscriptionis consistit , intrā concludi , comprehendendi , & contineri , nihil extrā habere . Ergo si per ullam vim extrā ponitur , jam natura circumscriptionis eversa est . At quod essentias rerum evertit , omnino illis contradictionum est , & nullā potestate admittendum . Sic animal rationale est definitio & formalis ratio hominis . Nullā ergo vi committendum ejus Contradictionum , quo formale illud evertatur , ut non sit animal rationale . Sic termino continentे concludi , est formalis ratio circumscriptionis localis actualis . Nullā ergo vi illud fieri concedendum est , quo formale illud evertatur . Contradictoria enim  $\alpha\pi\lambda\omega\varsigma$  impossibilia , & simpli citer naturā sui talia , ut fieri nullā potestate possint . V. dec . 1. Miscel . d . 5 . t . 9 . seq .

44. Di-

44. Dices 2. Circumscribi loco solum est totum Corpus in loco toto, partem in parte esse, ac nihil locati esse, quod non contineatur intra terminos loci, & nihil loci, quod non contineat Corpus vel partem ejus. Sed quod non egreditur terminos loci, non pertinet ad essentiam circumscriptio[n]is locali. Sed gratis additur, & sic, si extra terminos locetur Corpus, essentia circumscriptio[n]is non evertitur, & sic Contradiccio[n]is non admittitur. Ita Ruvius. *R.* Si circumscribi loco totum Corpus in toto loco ponit, & nihil locati non intra terminos loci continet, E. nullam partem extra admittit. Secus non totum intra locum erit. *Si nulla pars extrâ admittitur, quin evertatur circumscriptio localis*, E. multò magis totum corpus non extrâ admittendum, quin tota circumscriptio[n]is localis essentia evertatur. *Et sic hoc in definitione r[ati]o loco circumscribi omnino implicatur, nec partem, nec totum circumscriptum, extrâ admittere.*

45. 3. Circumscribi loco non admittit extra, h.e. ut sit ubiq[ue], benè tamen uspiam extra illum locum. *Sic definitivè alicubi esse est non extra esse, i.e. non ubiq[ue]: benè tamen in diversis & per potestatem absolutam.* Sic olim explicatum l. 3. §. 27. de Ess. Alic; *R.* Alia ratio definitivè alicubi essendi, Alia circumscriptio[n]is locali. Angelus alicubi est definitivè activè, non ut definatur, sed definiat, non ut terminetur, sed determinet sibi spatiū, c. 1. §. 18. Sed Corpus in loco est passivè, ut terminetur, & circumscribat, non terminet & circumscribat. Angelus extrâ spatiū esse potest, quia spatio non concluditur, nec natura definitivæ alicubitatis evertitur, si extrâ esse admittatur. Sed corpus, quod in loco de facto circumscriptum est, concluditur loco passivè, terminatur, & includitur, ut extra illud esse, si loco concludi præsupponitur, nequeat, nisi circumscriptio[n]is natura evertatur. *Dissentientes a. Corpus uno loco circum-*

*cum-*

### Exercitatio Tertia.

55

cumscribi aijunt, & simùl extra illum in alijs circumscribi dicitur. Hac nos verissimè cōvenientia esse afferimus. Aliud est, alicubi circumscriptivè esse, quod habitudinem eslendi in loco & actu circumscribi posse, non circumscribi de facto præcisè importat, & semper Corpori est essentiale, tanquam modus transcedentalis ubietatem Corporis dicens, qua nunquam abesse potest. Quod nos afferimus. Cum hoc extra locum de facto poni, in pluribus locis simùl ponì, cōsistit: Aliud, uno loco actu circumscriptum esse, & simùl in pluribus circumscriptivè à DEO sifisti, quod Dissidentes aijunt, Nos negamus, & Contradictionem importare afferimus. 4. Circumscrip̄tio negat corpus alicibi & extra esse, sed ad summum ratione ejus ubi, quo circumscribitur. Per aliud autem ubi extra & in locis alijs esse potest. Et sic non est Contra dictio. Ita Arriaga n. 123. R. Nec hoc permittit circumscriptio, ut per aliud ubi extra esse possit, & alijs in locis. Nullà ratione extra admittit, quod totam rem circumscribit, ut nec partem extra admittat, ut antè dictum. Sitionenovit ubi, quod in corpore ponitur, extra esse dicitur, rectius non circumscriptum esse ullo termino loci dicitur, et si alicubi sit, ut circumscribi possit. In hoc tamen casu, quo in variis ubi ubicatur, nullo termino locali actu est circumscriptum, sed in varijs ubi sine actuali circumscriptione est. Vbi actu uno loco circumscriptum afferriur, jam extra esse posse converetur, quacunq; ratione, modo, ubi, vi, &c. illud fieri ar̄i iteris.

46. 6. Si Corpus circumscriptivè in uno loco est, & simùl circumscriptivè in pluribus locis esse potest, E. eadem res respectu ejusdem corporis erit extremitas, & non extremitas. Nam locus, quo circumscribitur corpus, est extremitas i. terminus ambientis corporis, ut §. 58, f. 4. d. eff. alic. vi. sum. Et non erit extremitas, quia extra ejus circumscriptiōnem & alibi esse ponitur. Extremum autem est, quod ultimum rei est.

## De Multipræsentia finiti,

est, extra quod nihil ejus usurpare possumus. Arist. 4. Metaph. c.  
 17. Hic autem non aliquid saltem corporis extra istum locum, sed  
 totum corpus usurpare licet. Sic idem locus respectu ejusdem  
 corporis erit extremitas, & non erit. At hoc manifeste est  
 contradictorium. E. & id, ex quo hoc sequitur. Sequitur su-  
 rem ex eo, cum corpus uno loco circumscribi dicitur, & simul ex-  
 tra eum in alijs esse conceditur. Ergo. Exceptiones, qua ad hoc pa-  
 rari possunt, ex §. 43. 44. facile resundentur. 7. Si corpus uno  
 loco circumscribitur, & simul aliis, unum & idem erit in-  
 dividuum in quantitate & divisum simul. Quia unum nume-  
 ro quantum, quā uno loco continetur, dividum est, quan-  
 titatem enim unam numero obtinet, eaq; tota uno loco cir-  
 cumscribi & concludi dicitur. Quod autem ita concluditur,  
 unum numero quantum est. Quā multis locis circumscribi  
 conceditur, multas quantitates obtinere necessum est. Circum-  
 scribi enim nullum, nisi quantum potest, & sic dividum in  
 quantitatibus erit, sicque simul dividum in quantitate &  
 divisum erit, quod Contradictorium. Sed Contradicторia po-  
 restati divin.e non subjacent, E. nec corpus localiter multis ubi pre-  
 sens sistere. Dices: Idem in præsentia simplici sequetur, E. nec  
 hac DÆus varie corpus locare poterit. Nam & sic, quod uni  
 spatio ad sit, unā quantitas est præditum, & sic dividum. Quod  
 multis spatiis, multis quantitatibus est prædictum, & sic dividum.  
 R. Non sequitur, quod multis spatiis est præsens, multis quan-  
 titatibus est prædictum. Nam ex præsentia vel adessentia, ut sic,  
 non statim quantitas sequitur, Cum & DÆus, angeli, anima ratio-  
 nales, alicubi præsentes sint, & tamen non quanta. Sed ex præ-  
 sentia circumscriptiva, ubi circumscribi aliquid dicitur, om-  
 nino quantitas sequitur. Quod in præsentia suā localiter cir-  
 cumscribitur, quantum esse oportet. Quod multis locis cir-  
 cumscribitur, multas quantitates habere oportet. Hinc sequi-  
 tur,

### Exercitatio Tertia.

57

sur, & unum quantum esse, & multa, h. e. divisum & indivi-  
sum in quantitate esse, quia multas circumscriptiones locales habe-  
re asseritur, que non nisi quantorum esse possunt. In meâ sen-  
tentiâ id non sequitur. Cum aliud, adesse, quod & non  
quantis, aliud, circumscriptè & locatè adesse, quod solis  
quantis competit, & multiplicationem quantitatis in quanto im-  
portat, sicq; ex uno Corpore multa sunt. DEus, ubi unum Corpus  
in multis spatijs s̄istit, non locatè & circumscriptè illud s̄istit,  
sed modo abstrusore & intognito, quem præstat ignorare,  
quam per modos inextricabiles determinare. Miraculosus ta-  
lū ubicationis modus futurus est, quod ipsi dissidentes farentur.  
V. §. 41. Miraculorum a. Speciales modos inquirere aut explicare  
nihil attinet.

47. 8. Probari eadem veritas sententie nostræ au-  
thoritatibus potest. Bellarmini, Valentiae, Thomæ Aquinatis  
sestimonio §. 39. vidimus. Ruvius 4. Phys. d. loco. q. 7. n. 71.  
Ex simplici præsentia & indivisibili ejusdem Corporis in di-  
versis locis, non benè infertur, duplēm localem præsentia-  
m esse possibilem, quia specialem continet repugnantiam,  
quod præsentia localis multiplicetur propter commensurationem  
Corporis cum loco, quam dicit essentialiter, commensuratio verò  
comprehensionem intra terminos loci. ita ut extra illos non  
possit extendi idem corpus: extenditur autem extra illos, si  
sit simūl in alio loco extensivè, & ideo repugnat simūl esse  
in duabus. &c. Similia n. 73. habet. Masius in 4. Phys. q. 5.  
Implicat Contradictionem, ut idem numero Corpus sit lo-  
caliter seu per proprias dimensiones in pluribus locis simūl,  
tam circumscriptivè, quam definitivè. Hoc postea aliquot  
rationibus confirmat. Et antea inter circumscriptivè & defi-  
nitivè alicubi esse, tertium modum agnovit, Sacramentaliter in  
aliquo esse per realem præsentiam Corporis secundum modum

H

indiv.

indivisibilem; non per proprias dimensiones, sed alienas. Postea: *Vnum in duobus locis localiter esse, apertam & manifestam implicat contradictionem.* Sequeretur enim, locum esse extremitatem, & non esse, item locatum esse unum & non esse, ut expositum. D. Gravverus d. loco c. Keckermannum t. 241. Scotus, inquit, in 4. Sent. d. 10. q. 2. multis astruit. Corpus aliquod etiam localiter posse esse in multis locis. Quod ramen ego non dixerim. Danhauverus *Corpus in multis locis statutum iri ait à DEo adductione quādam non locali, que similius ei adductioni esse queat, quē anima parti in substantiam alii abitura adducitur, nec motu locali, nec novā generatione, idē. interpr. l. 1. §. 53. Veronijlesuitæ authoritatem in hoc negotio t. 63. vide.*

48. Hactenùs secunda nostra assertio, eaqꝫ confirmata. Et sic, quæ de Multipræsentia Corporis DEo possibili dicenda fuerunt, determinata sunt. Reliquum jam, ut argumenta contraria, quæ duabus à Nobis allatis hypothesisibus opponi possunt & solent; adducamus & resalvamus. Quædam absolute fieri posse negant, corpus unum pluribus locis sibi à DEo. Quædam etiam circumscripтивè sibi posse afferent. Et quia pleraqꝫ difficultate non carent, ac à Nostrorum Nemine distinctè satis soluta sunt: pleniū & distinctiū in solutione eorum elaborandum erit. Sanè fides Christiana non solvit, sed evertit λογισμ̄es contra cognitionem Dñi se evehentes, 2. Cor. 10. v. 5. Et simpliciter in verbo quiescit, g. 4. 5. 81. Sed nos, ut Doctores fideliū & Christianorū, hæc disceptamus, Et ut eruditū cum eruditis procedimus, & sic non Nobis solum & Causæ, sed & Adversarij omnibus satisfacere intendimus. Ut dec. I. Msc. d. 10. t. 24. 25. seq. pluribus dictum. Hoc veteres Patres & Scholastici ante Nos fecerunt, Nobisqꝫ idem agendi exemplum reliquerunt. Dices t. Corpus Chri-

### Exercitatio Tertia.

33

Christi est in Cœlo circumscriptivè, ut in loco ex Naturâ sui,  
& tamen simul alijs in locis præsens est divinâ virtute &  
exaltatione; Nec tamen committitur contradic̄io, quasi ex-  
tra terminum circumscribentem esset & non esset. E. &  
in alio Corpore circumscriptivè in multis locis à D̄o ubi-  
ceto, non præcise ponenda Contradic̄io. Rz. Corpus Christi  
est in Cœlo circumscriptivè, non quod actu loco circumscriba-  
tur: Incertum enim, an circumscribens in Cœlo de facto sit, nec  
ne: Et si locus ibi, certè non corporeus & animalius est, ut in hoc  
nostrō orbe, sed Cœlestis, Spiritualis, & supernaturalis, ne  
quid cœleste, cuius statum & specialem rationem nec oculus  
vidit, nec auris audivit. Scriptura locum vocat, Ioh. 14. v. 2. 3.  
Sed divina sèpè more humano describuntur, verùm modo  
divino sunt intelligenda. Quomodo & mansiones, domos,  
tabernacula, regna, paradisum, aliaq, in Cœlo ponit, qua tamen  
secùs, ac pro more mundi hujus, intelligenda: Sed quod ex Natu-  
râ sui habitudinem ad circumscribi loco perpetuò retineat,  
in quo propriè esse circumscriptivum consistit, & quod mo-  
dus Vbietatis Corpori proprius & inseparabilis est, V. §. 6.,  
l. 4. d. eff. alic. Quij, & Corpori Christi per naturam sui nega-  
ri non potest. Sed actu loco aliquo circumscribi hinc non se-  
quitur, nec de Corpore Christi ex sacris certi quid hic constat, &  
extra revelationem proprijs commentis intendere periculoseum  
est. In λόγῳ esse, & ad dextram Patris Omnipotentis, supra o-  
mnia, que nominari possunt, exaltatum esse, ex Sacris novimus.  
An de facto ambiente aliquo corpore cingatur, & sic in loco  
actu circumscribatur, ignoramus. Locale esse, & per Naturam sui  
perpetuò manere credimus. Cogitandum hic illud Augustini d.  
fid. & Symb. c. 6. Vbi & quomodo sit in Cœlo corpus Domini-  
nicum, curiosissimum & supervacaneum est, querere, tan-  
tummodo in Cœlo esse credendum est, Non enim nostræ

H 2

fragili-

## De Multipræsentia finiti,

fragilitatis est, cœlorum Secreta discutere: Sed est nostræ fidei, de dominici Corporis dignitate sublimia & honesta sapere. *lxxv.* prout *Corpus Christi pluribus locis à DEo ubicatur,* nullo tamen circumscriptū de facto est, adeòq; nec extra extremitatem, nec intra illam simūl esse tenetur, sed extra circumscriptiōnem illam varijs in ubi simplice præsentia, citra inclusiōnem, conclusionem, circumscriptionem, imperfectionem, localem extensionem, & similia DEo sistitur: Ita de alio corpore varie ubicato per analogiam & cœteris paribus sensimus. V. t. 41. Opposita autem sententia actu uno loco tale *Corpus circumscriptum facit,* & simūl extra illam circumscriptionem in aliis ubi ponit. *Hoc nos repugnanitam involvere afferimus.* Nullo termino uno de facto tale corpus circumscriberetur: sed in diversis ubi simplice adessentiā citra circumscriptionem vel in uno vel in aliis, divinitus ubicaretur. Conf. s. 3. d. Es. Al. t. 27. 28.

49. 2. Quod est totum in multis locis simūl, est ubiquè. Sic enim Patres divinitatem Spiritus Sancti adstruunt, quod in pluribus simūl sit, nec circumscriptam habeat naturam, adeoque finiri nequeat, sed ubiq; sit, ut Didymus, Ambrosius, Augustinus, Basilius, aliquie. At nullum corpus est ubique. *Quia quod ubiq; est, infinitum est.* Nullum autem corpus est infinitum. E. nullum corpus est totum simūl in multis locis. Ita Chamier c. II. R. I. Quoad Nos, & hoc, quod jam disceptamus, Conclusio non infertur directè contra nostram thesin. Disputatur, *An corpus aliquod divinitus in pluribus locis statui possit?* Concluditur; Nullum corpus simūl totum in multis locis esse. At non hoc jam queritur, an de facto aliquod corpus sit in multis locis, nec ne? Tale quid non nisi ex revelatione Scriptura innotescet, de quo §. 81. videbimus: Sed de potentia, An possit virtute DEi in multis statui, posito, etiam si nul-

### Exercitatio Tertia.

61

si nullum corpus de facto ita ubicetur. Quid Deus possit absoluviā vi, quarimus, & concluditur, quid in corpore sit. Sic aliud est, quarere, an possit Deus plures mundos creare? Aliud, an de facto plures existant? Nec in concludendo unum cum altero confundendum. V. c. 3. Dices: Inauditum hactenū est, aliquid esse ubique, & non actu, aut quidquam cogi posse in unum locum, quod sit ubique. R. At Nos non de ubiquetate quarimus, sed multipræsentia, qua sunt diversissima. Quod ubiqꝫ est, actu ubiqꝫ est, non solā potestate. Sed nos creaturam nec actu ubique esse, nec per ullam potestatem ubiqꝫ esse posse, confitemur. Aliud est Multipræsentia, quam in corpore divinitus possibilem putamus: Aliud Omnipræsentia, de quā postea consisteremus, §. 76. Aliud Ubiquetas, quam in totum in creaturā negamus, quia ipsa infinitas, aut ei proximè nexo. Hac Tract. d. Ess. alic. s. 2. confirmata sunt. Et ulterius §. 77. 78. hujus Tractatus patebunt. Deinde etiam non dicimus, aliquid ubiqꝫ esse potentia, non actu. Quod enim ubiqꝫ est, actu ubiqꝫ est, non potentia. Sed aliquid creati in multis aut omnibus locis à Deo sisti posse dicimus, etiamsi factio non sistatur. Sistit posse omnino potentiam respicit, non factum præcisè requirit. Diversa n. hac sunt, c. 3.

50. 2. Nego sequelam majoris. Potest in multis locis creature sisti, ut tamen non sit ubique. Multipræsens creaturum statui potest, & ut quidam volunt, etiam omnipræsens. Ubiquetas solius Dei est proprietas, & creature incommunicabilis. s. 2. §. 38. d. Ess. alic. & §. 77. hujus Tractatus. 3. Limito Majorem. Quod est totum in pluribus simul sc. per Naturam & essentiam sui, ut non possit non ita esse, id demum est ubiqꝫ, ac consequenter ipse Deus. Ita inter Reformatos ipse Martinus in Theol. l. 2. p. 1436. Divina proprietas, ait, non est, esse, posse præsentem, ubi velit: Sed præsentem esse ex perfectio-

## De Multipræsentia finiti-

ne & immutabilitate Naturæ. Et ita demum argumentati sunt Patres ad divinitatem Spiritus Sancti, non quod simpliciter sit in pluribus: sed quod circumscriptam non habeat substantiam, quâ ratione Spirituales creature, nisi loco non circumscriptantur, proprietate tamen substantiæ finiuntur, i.e. finitam & terminatam habent essentiam. Ita apertissimè procedit Didymus, Cujus verba §. 46. s. 4. d. Ess. Alic. adduximus, que vide, & de circumscriptione essentiæ, non loci, cum loqui cognoscere. Jam ita argumentum Patrum pro DEitate Spiritus S. firmissimum est. Qui ita in pluribus simul est, ut prorsus non agnoscat circumscriptam finitudine aliquâ substantiam, eum & ubique, & Deum esse, prorsus est necesse. Infinitus enim est, & infinitum Deus est. At hæc omnia nihil ad Corpus in aliquot locis statutum. Quod nec per essentiam sui ita in pluribus est, sed supernaturalem vim & gratiam: nec necessariò ita est, ut non possit non ita esse, cum naturâ sui uno loco circumscribi posset, sed per peculiarem dispensationem: nec incircumscriptam habet substantiam, cum terminis essentia naturam limitatam perpetuò retineat: Nec non naturali habitudine sui in unum locum cogi possit, & ex Naturâ sui velut, si supernaturalis vis & gratia aliter faciens collatur. Que omnia adversa in Spiritu S. essentiâ deprehenduntur.

51. Dices: Vacillat tamen argumentum Patrum, quod ab eo, quod in pluribus est, ducunt ad Deum ostendendum, si aliquod absolutâ vi in pluribus sisti potest, quod tamen non Deus statim sit. At contra eadem absoluta potestatio exceptionem & casum Nemo Patrum argumentum suum præmuniit. E. nec eadem casum per absolutam potestatem possibilem censuerunt. R. i. Patres non ex solo in pluribus esse arguunt, sed & ex non circumscriptam seu finitam habere substantiam. Vide Didimum manifestissime, iam hoc simul sumptum im-

motè

### Exercitatio Tertia.

63

motè divinitatem arguit. 2. Etiam si ex eo solo arguerent, intelligerent de eo, quod proprià vi, naturâ & essentiâ suis, adeò que necessariò totum in pluribus esset. Iam ex hoc DEum esse necessariò sequitur. 3. Cum ex attributis interdùm arguimus, colligimus ex illis, quomodo usitato rerum cursu spectato se habent: missò, quod per casum & dispensationem protus singularem extraordinariè illis infertur. Et sic, quia usitato Natura cursu vix illa res in pluribus simùl est, sed uno adæquo, quo terminatur: Patres inde aliam, quam creatam in Spiritu Sancto adstruunt Naturam. Non tenemur in talibus argumentis extraordinarios casus simùl aut includere, aut excipere. Sic ab æternitate ad divinitatem concludunt. Posse tamen ab solute potestatis imperio Creatum quid ab æterno à DEo factum esse, Philosophi non ignobiles statuunt, eis alij dubitent. V. §. 79. Quid hoc ad ordinariam Naturam rerum, in quâ secundum esse, & principium durationis Universa habere agnoscimus? Sic concludere possem: Quod in loco est, DEus non est. Ignis in loco est. E. DEus non, ut Persœ delirabant. Posito, sine loco in vacuo ultra mundum corpus à DEo ubicari posse, ratio de ordinariâ sublunariâ Naturâ procedit, non quid extraordinario & miraculo casu, potestatis absolute imperium in re efficere possit. 4. Patres non à solo esse in pluribus arguunt, sed & ab esse ubiq̄, unde DEum Spiritum S. confirmant. V. Basiliū c. 22. d. Sp. S. At nos negamus, ullam creaturam ubiq̄ esse. V. §. 77.

52. 3. Quod est totum in pluribus simùl, actu est ubique. Nullum corpus actu est ubique, quia non infinitum. Ergo. R. Idem cum præcedente est. Negatur Major ex ante dictu. Et sub præcedente limitatione Major intelligenda: Quid quid per perfectionem & immutabilitatem naturæ suæ est totum in pluribus, ut aliter esse nequeat, id demum ubiq̄. Sic nullum corpus vel in pluribus simùl, vel ubiq̄ est, aut esse potest. 4. Nul-

4. Nullum unum finitum potest esse in multis locis totum. Est enim locus finis substantiæ rei, & continet locatū. Quod autem continet, ita contentum intra se habet, ut nihil extrā relinquit. *At si unum corpus esset in horto, & simul in cubiculo, neuter locus continebit, quia extra se relinques.* Itaq; non erit locus, quod contradictorium. Sed omne corpus est unum finitum. *E. nullum in multis locis totum esse potest.* R. Nullum unum finitum potest in diversis locis totum esse scil. per circumscriptionem, ut loco aliquo circumscribatur, & circumscriptum de facto maneat, & tamen simul extrā sit: *Sic enim locus finis & terminus rei est, totum contineat, & nihil extra relinquit.* At contradictorium est, totum circumscribi & contineri loco, & simul extra esse. V. §. 45. 46. Benè tamen per simplicem ubicationem, quā tale corpus nec uno loco circumscribatur, sic enim non extra in alijs esse posset, nec multis, in quibus ponatur, circumscribatur: Sed simpliciter tantum adesse ponatur citra actualem circumscriptionem, eisī non citra circumscriptivitatem & habitudinem naturalem ad circumscribendum, quæ corpori omni essentialis & inseparabilis est. Ita Nos de corpore varie à Deo ubicato sentimus, ut c.l. explicatum. Ita circumscribi uno loco, & simul extra illum esse, repugnantia dicunt: *Non autem adesse simpliciter hic, & simul alibi per supernaturalem potestatem ponis.*

53. 5. Eriam ubicatione simplici nequit corpus in multis ubi ponis. Tollitur enim unitas ejus, & finitas, & singularitas. Unitas, nam unum est indivisum in se, & divisum à quovis alio. Sed corpus in multis ubicorum & divisum à se est, quatenus enim in uno ubi, non in alio, & indivisum ab alijs, quatenus multus locis proximum & conjunctum est, non est ab alijs divisum. Finitas, Corpus enim & essentia, & quantitate, & figurā aliquā terminatum est. *At quod in pluribus locis est, extra fines*

### Exercitatio Tertia.

65

fines suos extendi oportet, & finitatem figurā & molū sue amittit. Ita ipsa essentia corporū per multispræsentiam everitur. Singularitas, Quia corpus unum ad hic & nunc est determinatum. Sed si in multis spatijs, non est præcisè hic, sed & alibi. Eo prorsus non, & nullā ubicacione Corpus in pluribus locu esse posset. R. 1. Nullum istorum per multipræsentiam in corpore tollitur. Nam & anima rationalis est una, & finita, & singularis. Ut Petri, Pauli: non tamen hī obstantibus in multis ubi tota similitudinē est, ut l. 3. §. 12. de esse alicu. & hoc tractatu §. 34. deducatur. Nec obstat, spiritum eam esse, hic autem de corpore agi. Nam unitatem illam, quæ indivisione hic intelligitur, & finitatem, quæ terminis essentiæ definitur, & singularitatem, aquæ habet spiritus, accorpus. Sive enim unitatem numeri & Arithmeticam, sive certitudinis & distinctionis transcendentias ac Metaphysicam intelligas, Vt rāg. & quæ in spiritu est, ac corpore. Si ergo in animā illa non obstat: Cur in corpore præcisè multispræsentia obstare assertur? 2. Unum est, quod indivisum in se est, non respectu ad locum, sed ratione transcendentali certitudinis & determinationis in essendo. Unitas hic est certitudo & determinatio essentiæ, & dicitur transcendentialis, cui opponitur numeralis seu Arithmeticā, iudice Vestro Alstedio p. 1. Metaph. c. 6. §. 3. Unitas hic est certitudo & distinctione essendi, confusione opposita, non præcisè pluralitati aut indivisioni quantitativa. Et oportet hoc loco, ait Idem, intelligere indivisionem entitativam, quā ens in suā essentiā non est vagum, incertum, confusum quid, sed distinctum, certum, constans: non quantitativam, quā res Mathematicæ non possunt dividī, ut unitas & punctum. Sic & divisio alia est entitativa, quā res separatam & distinctam ab alijs naturam obtinet, quomodo DBus distinctus ab alijs est: alia quantitativa, quā aliquid est divisibile in partes, ex quibus est, ut cum

## De Multipræsentia finiti,

*Corpus dividitur in membra sua, Similiter Gorlaeus ex. Phil. 2. s. 4.*  
 Unitas comprehendit & negationem multitudinis, quæ est simplicitas, & distinctionem ab aliis. *Vnum enim est, quod non est plura, non multa.* Illud idem quoq; simplex est. Iam quid hæc indivisio rei aut divisio ad locum ejusvè rationem? *Manet corpus in diversis ubi locatum indivisum in se, divisum ab alio, h.e. certum, distinctum, separatum à quovis alio ente, non vagum, non confusum, non congestū vel commixtum cum alio, nec transmutatum in aliud.* Manet substantia corporea, materialis, quanta. Non sit spiritus, relatio, aut actio, aut aliud accidens. Non sit modus vel attributum aliquod, non Deus, non ens infinitum, & consequenter. Ita manet transcendentaliter unum, licet discretis temporibus reducatur, ut in hac vitâ, & in resurrectione post mortem. Iam quid hoc ad rationem essendi vel in uno loco, vel in pluribus? Unitas dicit negationem multiplicatatis in eadem ratione, in quâ est una. Sed *Corpus ratione essentia & distinctionis essentialis dicitur unum, non præcisè loci aut localis continentia, quod uno tantum loco concludatur.* Non ergo, si in pluribus locis collectetur, statim negatio unitatis essentialis in eo infertur. Non est divisum & extra se ipsum divisione essentiali, quasi à naturâ suâ alienum esset, manet n. quod est & fuit: Etsi divisum quâ præsentiam localem sit, ut quâ in uno loco est, distet à se, ut est in alio, i. e. præsentias à sedistantes obtineat. Sic anima indivisibilis in essendo est. Sed ut est in pedibus & capite, à se distat quoad istas præsentias, h. e. præsentias à se distantes obtinet. Ita si Deus caput & pedes viva in corpore servet, intermedio emoriens, quod sane eum posse certum est, anima omnino à seipso ratione loci distabit, et si in essentiâ indivisibilis maneat. Conf. §. 56. 64.

54. Hoc, inquires, tamen sequitur, quod unitas loci pendet ab unitate rei, tanquam necessarium consequens. Ergo  
omn

### Exercitatio Tertia.

67

omnino necesse est, unius rei unicum esse locum, eoque nullum unum posse simul in multis locis esse. At, inquam ego, multa hic confunduntur. Pendeat sanè unitas loci ab unitate rei: At non pendebit tanquam transcendentale quid, & inseparabile à re: Locus enim & actus locum occupare, non inter transcendentalia, sed Physicalia sunt, tanquam Physicum & naturale quiddam consequens, rem in natura rerum & contigitate cum aliis circumstantibus collocatam comitans. At talia consequentia Deum separare, & praeter Naturam rerum in Physicus dispensare posse, nemo Christianorum negare audebit, Et Reformati ipsi fatentur. V. §. 30.6.9. Poteris ergo & locum separare à corpore, & non obstante unitate rei, quæ Metaphysica est, unitatem loci ambientis, quæ Physica, removere, pluresq; locationes uni rei inferre, & sic eam in pluribus locis diversis ubicationibus, absoluta potestate simul sistere. Ad summum: Unitas rei Metaphysica plus quam specie tota & genere distat ab unitate loci Physicæ. Manente ergo illâ, hæc removeri & duplicari in Corpore poterit, si potestas divina extraordinariè in re procedere voluerit. Manet res una, sed in essentiâ & certitudine ac distinctione transcendentali. Manet etiam unica numero & singularitate Logicâ, ac unitate Arithmeticâ. Multiplicantur in eâ divinitus plura ubi, ubicationes, loca, & adessentiae ad diversa loca; Quæ sunt rei accidentia, transcendentalem ejus unitatem nec concernentia, nec labefactantia. Et sic nec ex re unâ rem statim multiplicem facere poserunt, si multa in uno subjecto divinitus concilientur.

55. 3. Nec finitas rei tollitur Multipræsentia simplifici. Finitum enim est, quidquid terminis essentiæ suæ limitatum est, ut essentiam non habeat infinitam & illimitabilem. Iam aliquot locis sîstet terminos essentiæ, quos res habet, non tollit,

## De Multipræsentia finiti,

sed illis manentibus diversas saltē ubicationes ad loca aliquot rei infert. Finitudo autem essentia, alias prossus est specie à determinatione ad locum unum. Illa transcendentalis est, hac Physica & Naturalis, & que de facto demum in re sequitur, ubi contiguitati aliorum juncta, ut ex illis ambientem terminum nancisci possit. Hic enim verè locus demum, Vt s. 4. eff. alic. c. 57. seq. ostensum. Illa autem essentia rei Creatæ simpliciter est, sive in contiguitate cum alijs sit posita, sive extra illam, sive in loco, sive extra illum statuatur. Hæc accidentalis, eoz separabilis, ut & plures locationes simul divinitus in finita re esse possint, manente finitate essentiæ inseparabili. Deinde Corpus & quantitate ac figurâ terminatum est. Sed hæc terminatio in quanto interna est, circumscriptio terminis suæ molis facta: Non externa, que est cōmensuratio ad locum vel extēnū ambiens contiguum, quo circumscribatur. Quantum figurâ suâ terminatum est etiam in vacuo, ubi nullus locus. Chaos primi dici mole suâ & finibus cersus terminabatur, non enim infinita moles erat. Sed circumscriptione loci non terminabatur, qui tamen nullus erat. s. 4. d. R. A. c. 6. 7. Potest ergo Corpus molis sua terminos, i. e. figuram, reunere, ut tamen loco circumscriptè non terminetur. Hoc modo in pluribus locis, sed præsentij simplicibus, non circumscriptivis, à DEo sibi poterit. Vi multa ubi simul coexistat, nullo tamen circumscribatur & concludatur, ut §. 41. seq: visum. Ita in loco magis Metaphysico futurum est, quam Phisico, qui terminus circumscribens, Vt §. 3. 40. dictum. Ita nec tale Corpus extra fines molis suæ extende oportet, si deversis locis simul ubicetur. Finitudo enim molis diversi est generu à circumscriptione loci, & Corpori semper inest; etiam cum nullo omnino loco circumscribitur: & in Corpore manet, retineturq; et si circumscriptio loci tollatur, & in multis ubi simul ponatur, ut nullo de facto concludatur.

### Exercitatio Tertia.

69

cludatur, quod nos in Corpore in pluribus locis simùl statuto futurum affirmamus. Vt c. l. deductum. Deinde extensivè in pluribus locis esse, est modus cognito, Naturali, & usitato in illis esse. Nos autem Corpus à DEo in pluribus locis modo incognito ubicatum ire asserimus. V. §. 97. Non ergò extra molem suam extendi oportet. Nec singularitas tollitur. Manet n. ad unum spatiū, & sic ad hic determinatum ex Naturā sui, et si ad plura determinetur ex potestate summi agentis. Sic DEus singularissimus, tamen in multis ubi simùl: Anima Petri singularis, et si in multis spatiis in Corpore: Christus singulare suppositum, et si in varijs ubi, etiam Reformatis concedentibus. Singulare est, quicquid unius numero essentiæ est, non præcisè uni loco alligatum est. Conf. 53.

56. 6. Omne Corpus est alicubi circumscripтивè, & hic modus ubertatis ei est transcendentalis, essentialis, & consequenter inseparabilis. At alicubi circumscripтивum ad unum locum determinat Corpus, Vt ita sit in uno, ut non simùl non in uno, sed extra unum. E. nullà potestate plures loci simùle inferri possunt, aut irascendentalis ejus ratio, & consequenter essentia, evertitur. Transcendentalia enim sunt essentia. 52. Omne Corpus est alicubi circumscripтивè, ut circumscribi possit per naturam sui loco aliquo, non ut actu statutum circumscribatur. V. t. 6. 18. s. 4. d. eff. alic. Et hic modus habitudinis ad circumscribendum, est transcendentalis in corpore, & inseparabilis. Nullum enim Corpus est, quod non Naturalem habitudinem ad circumscriptionem loci reuinat, quæ eo per Naturam sui circumscribi possit, & si cœtera paria sint, postulet. Hic modus etiam in Corpore in multis locis statuto retinetur, semper enim per Naturam sui uno ubi circumscribi aptum est & postulat, etiam si de facto in multis sine actuali circumscriptione in

## De Multipræsentia finiti.

*uno à DEO locetur.* Est in loco uno, si ordinem Naturæ spe-  
cies. Est in locis, si potentiam ejus, qui Naturam creavit, &  
supra eam operatur, cum placuerit. *Hic totam rem ponit in uno loco,*  
*ut simul eadem sit in alio.* Sic nec modus ejus transcendentalis  
tollitur, nec essentia everitur. Conf. t. 22. Vbi de simili actum est.  
7. Nullum discretum à se & loco separatum, manet unum.  
Corpus in aliquot locis positum erit discretum à se, est e-  
nīm distractum & ad hoc ubi, & ad illud, & ad istud, & loco  
separatum. Nam quā est in uno loco, non est in altero. E. non  
manet unum. Rz. Nego Minorem, quod discretum à se se-  
rum sit. Manet enim unum, non sit discretum, i. e. multum. V. t. 53.  
Aliud est, loco separatum esse, aliud discretum in se esse. Loco  
separatum esse, h. e. in locis separatis adesse, non statim differen-  
tiā rei in se ponit. *Sic temporis discrecio & multitudo non sta-*  
*tim multiplicationem ipsius rei facit.* Unum Corpus est nostrum  
cum eo, quod post Substantialem sui corruptionem resurget; tamen  
sunt diversis temporum differentijs, V. §. 18. Sic unum Corpus variis  
locis possum est, eis locorum varietates admittat. Non int̄imior  
Corporis affectio est locua, quam tempus: Ut huius discrecio nullam  
Corporis discretionem inferat; illius inferre cogatur. Sic & di-  
stractum tale Corpus erit, non in se, essentiā, aut quantitate suā,  
qua semper continua & indistincta manebit: sed in præsentia ad  
diversa ubi, in quibus erit. Præsentia illa ad varia loca erit di-  
stracta, qua est accidens in Corpore, ubicatio aliqua: Corpus  
ipsum in se indistinctum manebit. Conf. §. 53. 64. Deinde in lo-  
co separatum esse, ambiguè dicitur. Vel notat modum separa-  
tum ipsius corporis, ut Corpus ipsum separatum in se in di-  
versis locis sit: *Sic negamus, Corpus aliquod separatum esse.* Ma-  
net enim unum & continuum, non distractum aut disparatum à  
se, vel in multa Corpora, vel in multis partes unius Corporis,  
quomodo

### Exercitatio Tertia.

71

quomodo partes eius in diversis locis essent: Hic autem Corpus unum totumq; manens, in diversis spatiis ubicari dicitur: Vel modum loci separati, ut in locis separatis Corpus simul existat: Sic concedimus loco separatum esse, i. e. in locis separatis esse: Sed illa ad locum separatio Corporis distractionem non infert, velut nec in diversis temporibus existentia varium ipsum Corpus efficit, aut loci unitas unitatem Corporis facit, que alius longè generis ab hac est. V. §. 53. 54.

57. 8. Si corpus unum in pluribus locis, aut occupative, aut definitivè, aut repletive, in illis erit. Tot enim sunt modi essendi alicubi. At nullo modo. Non occupative, quia corpori alias proprius. Nam quod ita adest, etiam definitivè. At quod sic, ita est alicubi, ut nequeat extrà alibi esse. Non definitivè, quia hoc spirituum est proprium. Non repletive, quia hoc solus DEI est. E. planè nequit in pluribus locis esse. R. i. Major insufficienter enumerat. Addi potest, aut modo aliquo supernaturali & incognito, nec per naturam corpori competente, nec naturali vi in illo inducendo. Sic alienitas humilitatis Christi in Personâ filij DEI, nec est occupativa, nec definitiva, nec repletiva: sed singularis, extraordinaria, & supernaturali, sequens subsistendi rationem, qua personalis. Talis & ubiq; ejus, qua węzaw subsistentium est. V. §. 85. Occupative & definitivè alicubi esse, sunt modi naturales alicubitalis Corporum & spirituum, & naturaliter illis debiti, & naturâ in illis cogniti. Sic repletivè alicubi esse, est modus alicubi essendi, qui per naturam DEO competit. In nostro autem casu præter naturam sui, supernaturali modo & incognito, Corpus varie ubicari assumitur. V. c. 41. Hic naturales adestendi modi non præcisè assignandi. Sic Corpus Christi in Eucharistia, nec occupative, nec definitivè, sed mysticè & Sacramentaliter est, ut s. 3. §. 28. d. E. A.

dictum.

dictum. Si in Resurrectionis mysterio modos reproductionis naturales & naturaliter cognitos urgere vellem, & quia nullus ad resurrectionem quadraret, in totum eam DEi potestati subjacere negarem, non admitteretur talis processus à Reformatis, & modo incognito, supernaturali potentia cam fieri, reponeretur. Conf. t. 17. Simile in hoc casu Multipræsentie habendum, quam insigne miraculo fieri §. 41. dictum. Hic modi extraordinarij assignandi, non, qui naturaliter rebus competant.


58. 2. Occupativè alic. esse, vel dicit occupare locum per naturam posse, ita corpus semper alicubi occupativè per naturam sui est, ut circumscribi loco possit, illudq; postules: vel occupare facto, & actu circumscribi alio, sic non semper occupativè alicubi est. V. §. 6. 7. s. 4. d. E. A. Priore modo etiam varie locatum corpus occupativè alicubi est, non posteriore. V. §. 18. 6. c. l. Semper corpus occupativè alicubi est, et si de facto non circumscriptur. Et modi hi alicubitatis habitudinem naturalem in re ad occupandum aut definiendum locum dicunt, sicq; semper subjectus suis convenienter, et si de facto prater naturam interdum secundus in illis esse queat. 3. Quod definitivè alicubi, ita est, ut extra non sit, scil. per sui naturam, ut naturaliter in pluribus ubi totalibus simul esse non possat. Sic enim unum ubi postulat, & hoc naturalis ubertas definitiva requirit in spiritu, ut s. 3. §. 9. d. Ess. alicuisum. Quid tamen supernaturalis potestas hic possit, hinc praescribi non potest. Et manebit angelus definitivè alicubi per sui naturam, ut tamen in multis ubi statuatur per supernaturalem gratiam. V. c. l. Non contradicunt, Naturā suā in ubi quoddam definito adesse postulare: & actu non in uno ubi, sed pluribus statu, virtute principij supernaturalis. De circumscriptione actuali diversa est ratio. Hęc corpus alicubi ponit, ut concludatur & terminetur illo, & sic extra esse nullā potestate admittit.


imno  
emis-  
an se.


, vel  
n non  
n sub.  
pro-  
qvar-

22

1115.







Biblioteka Jagiellońska



stdr0019291

